

# **0‘zDSMI professor- o‘qituvchilari Mudofaa vazirligi tomonidan maxsus ko‘krak nishoni bilan taqdirlandi**

Ovoz rejissyorligi va operatorlik mahorati kafedrasida dotsenti Jahongir Ahmedov, shuningdek, kino, televideniye va radio rejissyorligi kafedrasida dotsentlari – Jahongir Qosimov va Hilol Nasimov O‘zbekiston Respublikasi Mudofaa vazirligi tomonidan «Yosh avlodni harbiy vatanparvarlik ruhida tarbiyalashdagi faol ishtiroki uchun» ko‘krak nishoni bilan taqdirlandi.

O‘zbekiston davlat san‘at va madaniyat instituti mukofot sohibi bilan professor-o‘qituvchilarni tabriklaydi.





---

## slide\_04



---

## Koreya nashriyoti bilan memorandum imzolandi

Bugun O'zbekiston davlat san'at va madaniyat instituti hamda Koreya Respublikasining «Yeovon Media» nashriyoti rahbarlari o'rtasida uchrashuv bo'lib o'tdi. Uchrashuvda o'zaro hamkorlik aloqalarini yo'lga qo'yish, qo'shma nashriyot ochish, talabalarning xorijda amaliyot o'tashini ta'minlash hamda mahorat darslari tashkil etish masalalari muhokama qilindi.

*«Biz maktabgacha ta'lim tizimiga oid darsliklar dizayni bo'yicha ko'p yillik tajribaga egamiz. Bugungi kunda butun dunyo bo'ylab hamkorlik aloqalarini yo'lga qo'yganmiz. Yaqinda Gvatemala Ta'lim vazirining taklifiga binoan ushbu mamlakatda seminar o'tkazib, memorandum imzoladik. O'zbekiston bilan hamkorlik aloqalarimiz shakllanishidan mamlakatiningiz rahbarining o'rni beqiyos. Aynan O'zbekiston Prezidentining bolalar uchun sifatli darsliklar yaratish borasidagi tashabbusi tufayli yurtigingizga o'zaro tajriba almashish maqsadida tashrif buyurdik. O'ylaymanki, bardavom hamkorlik aloqalarini yo'lga qo'yamiz», **dedi nashriyot direktori Dong Hvi Kim.***

Uchrashuv so'ngida o'zaro memorandum imzolandi hamda qo'shma hamkorlik asosida nashriyot ochish borasida kelishuvga erishildi.

Shu bilan birga, mehmonlar institutning axborot-resurs markazini ko'zda gn kechirishib, iliq fikrlarini bildirishdi.

Ma'lumot uchun, Seul shahrida joylashgan «Yeovon Media» nashriyoti 1992-yildan beri bolalar uchun sifatli kitoblarni nashr etib keladi.





# Navoiydan chu topqaylar navoye

Bugun O'zbekiston davlat san'at va madaniyat instituti o'quv teatrida Mir Alisher Navoiy tavalludining 583 yilligiga bag'ishlangan «Navoiydan chu topqaylar navoye» deb nomlangan ma'naviy-ma'rifiy tadbir o'tkazildi.

Tadbirni oliygoh rektori v.b. Eldor Shermanov ochib berib, buyuk mutaffakirning sharaflari hayot va ijodi haqida so'z yuritdi. Rektor Navoiy asarlari inson tafakkurining shakllanishi hamda kamolotga yetishishida, yuksak ma'naviyatga ega jamiyat taraqqiy etishida muhim ahamiyatga ega ekanligini ta'kidladi.

Konsertda professor-o'qituvchilar va iqtidorli talabalar tomonidan Navoiy g'azallari ijro etildi.







---

## «Ilmli ayol – jamiyat ko‘zgusi» mavzusida ilmiy seminar o‘tkazildi

O‘zbekiston davlat san’at va madaniyat instituti xotin-qizlar maslahat kengashi tashabbusi bilan 11-fevral – Xalqaro ilm-fan sohasidagi ayollar va qizlar kuni munosabati bilan «Ilmli ayol – jamiyat ko‘zgusi» mavzusida ilmiy seminar o‘tkazildi.

Dastlab institut rektori v.b. Eldor Shermanov so‘zga chiqib, mamlakatimizda xotin-qizlarga bo‘lgan e’tibor hamda ularga yaratilayotgan shart-sharoitlar to‘g‘risida fikr bildirdi.

Seminar davomida fan doktorlari, professorlar, kafedra o‘qituvchilari va doktorantlar tomonidan ma‘ruzalar o‘qildi.









---

# **O'zbekiston davlat san'at va madaniyat institutining rasmiy munosabati**

Ijtimoiy tarmoqlarda “San’at va madaniyat instituti bitiruvchi talabalari yotoqxonadan haydalmoqda” deya e’lon qilingan xabar yuzasidan O’zbekiston davlat san’at va madaniyat instituti quyidagilarni ma’lum qiladi:

2024-yil 5-fevraldan 11-may sanasiga qadar institutning kunduzgi ta’lim shaklida tahsil oladigan va jami 632 nafarni tashkil etadigan 4-bosqich talabalari bitiruvoldi amaliyot o’tashlari uchun Toshkent shahri va viloyatlarga yuborilgan.

Institut talabalar turar joyida istiqomat qiladigan 4-bosqich talabalarining 97 nafaridan 42 tasi bitiruvoldi amaliyotini o’zi doimiy yashash manziliga yaqin bo’lgan viloyatlardagi madaniyat muassasalari, korxonalar va tashkilotlarga olganligi bois talabalar turar joyini tark etmoqda.

Talabalar turar joyida bo'shagan o'rinlarga esa ijarada yashayotgan va ijara to'lovlarini amalga oshirishda muammolarga duch kelayotgan hamda ijtimoiy himoyaga muhtoj talabalarni joylashtirish rejalashtirilgan.

Hozirda hech bir talaba majburan talabalar turar joyidan chiqarilmagan. Yuqoridagilardan kelib chiqib, ijtimoiy tarmoq orqali tarqatilayotgan xabarlar haqiqatga to'g'ri kelmasligini ma'lum qilamiz.

---

## **Sun Mun universiteti prezidenti hamda ICT/SW biznes kengashi rahbari O'zDSMIga tashrif buyurdi**

Bugun O'zbekiston davlat san'at va madaniyat institutiga Sun Mun universiteti delegatsiyasi vakillari tashrif buyurdi.

Delegatsiya tarkibida universitet prezidenti Seong Jea Mun, oliygoh professori Eduard Kim, Chungnam ICT/SW biznes kengashi prezidenti Sung Hvan Li, universitet professor assistenti Songe Kim institutimiz rahbariyati bilan uchrashdi.

*«Koreys xalqi bizning eng qadrdon do'stlarimizdan biri hisoblanadi. Mamlakatingizga tashrifimiz davomida bunga amin bo'lganman. O'zaro hamkor aloqalarining amaliy tus olishi bizni behad mamnun etadi. O'zbekistonda Koreya madaniyatiga hurmat bilan yondashadigan insonlar juda ko'pchilikni tashkil etadi. Sun Mun universitetining Koreyadagi eng ilg'or oliygohlardan biri ekanligiga guvoh bo'ldik. Tashrifingizdan mamnunmiz», – dedi institutimiz rektori v.b.*

**Eldor Shermanov.**

O'z navbatida Sun Mun universiteti prezidenti ham hamkorlikdan minnatdor ekanligini ta'kidladi:

*«Bizni yaxshi kutib olganingiz uchun tashakkur aytmoqchiman. O'zbekistonga ilk marotaba tashrif buyurdik va mazkur dargohga kelishni intiqlik bilan kutayotgandim. Hamkorlik doirasida amalga oshiriladigan islohotlarga tayyormiz. Bugungi kunda universitetimizda 160 nafar o'zbekistonlik talaba tahsil oladi. Shuningdek, ta'lim markazimizda 500 nafar o'zbekistonlik koreys tilini o'rganmoqda. Ishonamanki, ular o'zlashtirgan bilimlari bilan mamlakatingiz rivojiga hissa qo'shadi. Bizda tahsil olish istagida bo'lgan talabalarni dargohimizga qabul qilishga tayyormiz», – dedi doktor Seong Jea Mun.*

ICT/SW biznes kengashi prezidenti Sung Hvan Li esa o'zbekistonlik talabalarni kelgusida ish bilan ta'minlashni maqsad qilganini ta'kidladi:

*«O'zbekiston ishlab chiqarish bozori bizni qiziqtirmoqda. Bu yerda o'rta va kichik biznesda hamkorlar bilan ishlashni maqsad qilganmiz. Biz bir nechta viloyat hokimlari bilan suhbatlashdik. Shu bilan birga, madaniyat sohasida tahsil olayotgan talabalarni ham madaniyat markazlarimizga jalb etishni rejalashtirganmiz. Kelgusida o'zaro aloqalarimiz kuchayishiga tilakdoshman».*

Ikki oliygoh vakillari kelgusidagi istiqbolli rejalarni muhokama qilishib, kelishuvga erishishdi.

Shuningdek, mehmonlar dars jarayonlariga tashrif buyurib, professor-o'qituvchilar va talabalarning imkoniyatiga yuqori baho berdi.









---

# Yanvar dayjesti

2024-yil yanvar oyida bo'lib o'tgan O'zbekiston davlat san'at va madaniyat instituti faoliyati bilan bog'liq xalqaro hamkorlik, ma'naviy-ma'rifiy va ilmiy-amaliy tadbirlar dayjestini e'tiboringizga havola qilamiz.